

At sylw: Sefydliadau Addysg Bellach yng Nghymru

Annwyl Gydweithiwr

Datblygu Llwybrau Dilyniant a Darpariaeth Cyfrwng Cymraeg mewn Sefydliadau Addysg Bellach

Ysgrifennaf atoch ar ran y Coleg Cymraeg Cenedlaethol i'ch gwahodd i gyflwyno ceisiadau i Gronfa Datblygiadau Strategol y Coleg.

Mae'r gwahoddiad hwn yn benodol ar gyfer datblygu llwybrau dilyniant a/neu ddatblygu darpariaeth cyfrwng Cymraeg ym meysydd iechyd a gofal o fewn y sefydliadau addysg bellach.

Byddwch yn ymwybodol fod y Coleg Cymraeg wedi ariannu nifer o brosiectau mewn blynyddoedd diweddar yn y sector addysg bellach ac fel rhan o'r bartneriaeth sy'n datblygu mae'n amserol i gomisiynu set o brosiectau newydd. Adnoddau penodol sydd ar gael ar gyfer y prosiectau hyn ac felly yn unol â blaenoriaethau Llywodraeth Cymru bwriadwn flaenoriaethu ceisiadau ym maes Iechyd a Gofal. Mae hyn yn gyson gyda *Mwy na Geiriau*, sef strategaeth Llywodraeth Cymru ar gyfer y gwasanaethau iechyd a gofal. Gall y ceisiadau hyn ymwneud â darpariaeth lefel 3, darpariaeth lefel 4 ac uwch, neu lwybrau dilyniant penodol.

Mae'r llythyr hwn yn amlinellu'r trefniadau ar gyfer cyflwyno ceisiadau am grantiau sy'n ymwneud â'r sector addysg bellach o Gronfa Datblygiadau Strategol y Coleg..

Bydd pob cais yn cael eu hystyried yn unol â'r meini prawf isod:

- nifer y myfyrwyr sy'n elwa;
- cynyddu darpariaeth addysg uwch mewn addysg bellach;
- perthnasedd i faes iechyd a gofal;
- potensial i ddenu myfyrwyr addysg bellach i astudio addysg uwch a chynyddu darpariaeth/dilyniant rhwng addysg bellach ac addysg uwch;
- perthnasedd i gynlluniau academiaidd y Coleg Cymraeg;
- cyfraniad at ddatblygu adnoddau fydd o ddefnydd i'r sectorau addysg bellach ac addysg uwch fel ei gilydd.

Gwahoddir ceisiadau gan sefydliadau addysg bellach ar y ffurf a ddynodir yn yr atodiad. Ni ddylai unrhyw sefydliad unigol gyflwyno mwy nag un cais. Gall sefydliadau gyflwyno ceisiadau ar y cyd – hynny yw, gydag elfen gydweithredol amlwg ar gyfer a gan ddau neu fwy o sefydliadau.

Bydd Panel Grantiau'r Coleg yn ystyried y prosiectau arfaethedig ac yn gwneud argymhellion penodol mewn perthynas â phob cais a gyflwynir.

Dylid cyflwyno ceisiadau erbyn **hanner dydd ar 14 Gorffennaf, 2017**. Dylid anfon copi electronig o'r cais i c.williams@colegcymraeg.ac.uk

Mae croeso i chi ymgynghori gyda'r Coleg cyn cyflwyno cais a bydd un o'm cydweithwyr yn barod i ddarparu cyngor fel bo'r angen. Yn y lle cyntaf, dylid cyfeirio ymholiadau at Gofrestrydd y Coleg, Dr Dafydd Trystan, d.trystan@colegcymraeg.ac.uk.

Byddwn yn cadarnhau trefniadau unrhyw brosiectau llwyddiannus cyn diwedd Gorffennaf 2017 gan fanylu ar unrhyw amodau penodol sydd ynghlwm â'r dyfarniadau.

Yn gywir iawn,



Dr Ioan Matthews

Prif Weithredwr